

# TE VEA NO TAHITI.

Te taata 'toa, e ere te Tavana e te haava, o tei hinaaro i te hoe hohoa o tei enei *vea*, aulau mai ia e 3 farane no na avae etoru.

Faaau mai ia Tepito te nei parau i Papeete.

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha toa.

O te feia hoo taoa, e te mau taata e haapao i te taui raa taoa, e tia ia nenei atoa hia ta ratou mau parau faaite i roto i tei enei *vea*, ia aulau mai ratou 1 farane no te reni hōe.

Faaau mai ia Tepito te nei parau.

## PARAU TOROA.

*Haava raa a te mau Toohitu i Ana.*

E te Tavana e Pona e, te Auvaha o te Repupirita.

IA ORA NA.

Te faaite atu nei matou ia oe i te ohipa ta matou i rave aenei i feienei mahana 20 no Atete 1851. O Teina, auvaha te tahi pae o Pahuā te tahi pae. E aua ia i raro i te miti ta rana i maro, tei nia i te fenua iti i tai ra, o Kaingaiti te aua raa hia, o Kalina te ioa. Etupuna to Teina, e lupuna toa hoi to Pahuā. Ua imi hia ta rana parau e ta te mau ite atoa hoi e ua hope; ua horoa tura matou i te aua na Teina, e ua ere roa Pahuā.

Ua oti roa ia ohipa ia matou i te vahi i haapahia no te haava raa a te mau Toohitu i Tuhora nei, i te mahana 21 no Atete 1851.

Te mau Toohitu.

*Papahia TAAROA : TARA : METUAHUNA : MAHINUI : TEHAYARU, PARUA, Perititēni. TUTAVA. Auvaha ture PAIORE, Papai parau.*

## PARAU NO TE VEA.

Raverahi te taata no roto i te tahi mau mataeinaa tei taio haere i tei enei *VEA*, i parau e, eaha ra hoe ngā iho a parau, taio atu o te parau no te purumu, taio atu te parau no te aua hau, taio atu te parau no te Tuamotu. E mea tuhituhi teie, i naha tahi noa iho a huru parau i te mau *VEA* toa. Mai te matamua mai e tae roa mai nei i tei enei mahana, aita e parau e i nenei hia i roto i tei enei *VEA*, maori rā, te parau rii no to outou iho na maitai, e te mau parau toroa ra.

No te mea ra, ua parau haere vetahi i to ratou hinaaro ia nenei atoa hia te parau rii faaarearea e te navenave ia taio, no reira i manao hia i, e ia tae i tei enei mau *VEA* i mua nei, e nenei atoa i te tahi mau parau rii ei faaarearea ia outou, e e faataa i te tahi pae au o tei enei *VEA*, no taua mau parau rii ra.

## TE PURUMU NO TIAREI E PAPERNOO.

Ua rahi to te Tavana popou i te faaroo raa i tei enei mau mahana i mairi aenei i te parau rii no Tiarei mai; i tona faaite raa hia mai e te rave ra to Tiarei i ta ratou purumu. Ua ite atura to

taua mataeinaa ra i te ravea maitai, e ua faarue ratou i te aratia tahito e pauma noa na nia e ra, e ua na raro mai ta ratou o raa i ta ratou purumu. E vahi maitai rahi roa te reira, no te mea, eita tura te taata e mamae i te pii noa raa na nia e i taua mau pari ra.

Mai te mea, ia rahi atu te hoo raa taoa i tei enei fenua, e riro outou i te ite i te maitai rahi e roa mai no te reira vahi; ua ite hoi outou e, ia tae i te tahi anotau, e miti rahi roa to te reira mau paeau fenua, eita e maitai i te poti ia hoe haere mai. Ia tupu mai ra taua miti rahi ra, e tia noa ia ia outou ia uta i ta outou mau taoa e te maa hoo na nia i te pereoo. Inaha te tahi faufaa rahi no taua purumu i hamani hia na raro rā, ahiri i taua mea raa tahito na nia-ra, e ore ia pereoo e tae ia puto i nia.

Aita ra to Papenoo i pee atoa tu i te reira ravea maitai, te rave noa ra ratou na nia i te vahi tahito na nia e ra; te hinaaro hia nei ra e te manao hia nei, e eita ratou e maoro ua ite atoa i te maitai e te faufaa rahi ia taua atoa i ta ratou na raro mai. Eiaha ra te mau Mataeinaa e manao e, e ore te Hau e tauturu atu ia ratou, Eiala, e tauturu maite atu a ia ia outou na roto i te rave raa i te mau vahi iino roa ra, te ore e oti noa ia outou ia rave, e te au ia pupuhi hia i te paura.

## PARAU RII API NO TE TUAMOTU MAI.

Ua papai mai nei te Auvaha no te Tuamotu o Teina, i te hoe rata i te Tavana nei, te faaite maira oia na roto i taua rata ra, e e mea rahi roa te mori i pau i te ana hia i roto i te mau mataeinaa toa i Ana, e ua ii roa te rahi o te mau farii mori, e ua pau hoi te mori i te hōhōhia. I te tahi atoa mau fenua i te Tuamotu, e mea rahi roa te haari api i tanu haere hia e te hui raatira, E vahi maitai roa teie ia hio atu, no te mea te rahi ra to ratou itoitoe e te puai i te rave raa i te maitai no to ratou mau fenua. Te mea hoi ia e rahi ai ta ratou maa, e e rahi atoa i hoi ta ratou taoa.

Te faaite nei te Tavana na roto i tei enei *VEA* i tona mauruuru i te Auvaha ra ia Teina; no tona puai i te taamu haere raa i taua mau fenua i te Tuamotu ra, e i te mau mataeinaa toa, i te faaitoitoe raa ia ratou i te rave haere raa i taua mau ohipa maitatai ra. E oia toa hoi i te Perititēni no te Haava raa a te mau toohitu ia Parua, tei tauturu

atoa tui te Auvahā ia Teina i te faaitoitō raa i taua mau ohipa ra.

I roto i te parau no te haava raa a te mau toohitui Ana i te avae ra ia Atetē i mairi aenei, ua hio hia e, e raverahi te taata i rave atoa i taua mau ohipa a te toohitu ra, aore ra to ratou e toroa toohitu; e ua papai atoa hia hoi to ratou mau ioa i raro ae i taua mau parau no te haava raa ra: No reirai ore i taa maitai ai te faaitē raa hia i roto i te Vea, te mau Toohitu i rave mau i taua ohipa ra.

E riro hoi outou i te ite, e e ore e tia i te taata toroa ore, tei ore i faatoroa mau hia i te toroa toohitu ia rave i te reira ohipa, e ia haava i te haava raa a te mau toohitu: Aita i na reira hia i roto i te mau haava raa i Tahiti nei, te haapao maite ra ia i te mau toohitu mau, e o ratou anae ra te rave i te reira ohipa. E hio atoa mai ra outou o to te Tuamotu i te reira, e e na reira toa iho outou i te haapao. Ia riro teienei ao raa iti ei manao raa na outou; e ia ore te reira peu tia ore ia tupu faahou.

Teie atoa te tahi parau iti i to te Tuamotu. Ua maiti laere to vetahi mau mataeinaa i o outou na i te taata rave ohipa no te fare Apoo raa, ei monō mai i te mau taata i tono hia mai e outou i te matamua ra; o te tahi ra mau mataeinaa, aore a ia ratou i maiti; No te aha ra i ore ai? e ere hoi te mea maitai ia monō mai i te tahi pae, e ia vaiho noa i te tahi pae, ia hoe ae ra monō raa te rahi atoa e au ai. E na reira iho ra outou, E maiti iho te mau mataeinaa, aore i maiti ra; tahi ae a monō raa mai e ia hoe ae a faaitē raa, to teie feia i rave noa nei.

#### Comite no te faaitoitō raa i te mau haapii raa.

No te peapea o te tahi pae o te feia toroa o teienei Comite, i ore i apoo ai ta ratou apoo raa i te tahi mau hebedoma i mairi aenei. Ua haaputupu mai ra ratou i te mahana mai i mairi aenei i te vahi haapohia no tana apoo raa ra, i te fare o te Arii; e ua imi maite ratou i te mau parau i tuhia tu ia ratou ra. O Mahanui te Orometua no Faā tei tae mai i teienei apoo raa-hopea i oti aenei; e ua rahi roa te maururu o te tahi pae o taua feia toroa ra iana, i tona mararama i te imi atoa raa i taua mau parau ra. Ia tae i teienei mahana mai i mua nei, o Moe ia te haere mai, te Orometua haapii tamarī no Papeete nei.

I teienei ra, E haamano i outou, te mau orometua no te mau haapii raa i Tahiti nei e Moorea toa, e te mau pipi atoa hoi i te parau i faaitē hia tu i roto i te Vea no te mahana 18 no tetema: E faaitoitō maitai iho outou, te mau orometua e te mau pipi atoa; no te mea te fatata roa mai nei te mahana e haere atu ai te Tavāna i roto i to outou mau mataeinaa, e hiopoa haere ita outou mau haapii raa. Ia maururu oia ita outou na mau haapii raa e tia, Eiaha oia ia ino. Ia ite maitai oia i te rahi raa o to outou ite i teie matahiti i te tahi matahiti i mairi aenei, ite mau mea toa.

#### FARE APOO RAA IRITI RAA TURE.

Te haere maite nei a teienei ohipa, te rave nei a te mau rave ohipa i te mau mahana toa, aore roa i fahea. Eita ra e itea maitai hia tu te vavevave raa i teienei, no te mea, e mau ohipa rahi roa, e te ohipa rave taata hoi te mau pou pua; e te mau vahi atoa e patu haere hia i te pua.

Teie atoa te tahi mea i huru taupupu ai teienei ohipa, maori ra te ee raa i te mau raa, e mau ohipa rahi atoa ia; aita i ee hia aenei te ee raa raa auahi i teienei tau mahana i mairi aenei, no te mea ua parahi te tahi vahi, ua hamani faahou hia ra i teienei. Teie atoa nei te mau farani no te Hau tei ite i te ee raa ra, i te mau mahana toa, e ore ra e oti vave ia ratou anae ra. Eaha ra outou na i ore i tono atoa mai ai i te tahi mau taata ite i te ee raa, ia monō haere mai outou i te mau rave ohipa ra? E mea rahi hoi te taata i te reira ohipa i roto i to outou na mau mataeinaa. O te feia ia e au ia maiti iho e ia tono haere mai, no te mea, e rahi te faufaa ia ratou no te reira ohipa; ua fatata roa hoi te mau raa i te hope i te afai haere hia i uta. Ahio maitai mai na e homa i teienei parau, e a imi maitai iho, no te mea, e feia ite anae outou i te huru o te ohipa e au no te rave raa i teienei fare.

Te haere mai nēra Tani tei faatoroa hia ei hiopoa i ma iho i teienei feia rave ohipa, i te mau mahana toa, e faaitē mai i te Tavāna i te rahi o te taata ia haere ia rave i te ohipa, e te mau taata hoi e faaitē haere atu, e te iho haere atu i te ava. Te faaitoitō atoa nei hoi oia i te feia e hopu haere i te pua i nia i Taunōa e i Raahere; no reira te rahi o teienei pua e afai hia mai nei.

Ua parau atoa tu hoi te Auvahā i te mau haava no te mau mataeinaa i fatata mai i Papeete nei, e faautua haere i te taata hara i roto i to ratou mau mataeinaa i nia i te pua. To Faā, to Punaauia e to Paea i te tahi pae, to Papāoa, Arue e Haapape hoi i te tahi pae: Aita ra i itea hia nia nei te na reira raa, aore a e poti pua i tae mai nei no te reira mau mataeinaa, maori ra hoe noa iho no Faā. Eaha ra te mea i ore ai, e riro no te paruparu o te mau haava e te feia toroa i ore ai, ahiri ratou e faaitoitō maitai, ua pue e aenei ia te pua no to ratou mau mataeinaa. Ahio mai na e te mau haava no teienei mau mataeinaa, e a faaroo mai i taua parau i poroi hia tu ia outou e te auvala ra. E eiaha outou ia toaruaru i te reira ohipa.

Eiaha ra te mau taata i tono hia mai i Papeete nei e manao e, ia faautua hia te taata i roto i to ratou mau mataeinaa e hopu i te pua, o te monō ia ia ratou, eiaha, e ohipa taa e ia. E rave noa ia ratou i ta ratou utua.

#### NO TE MAU AUA O TE HAU.

FAAA. — Ua aufau hia aenei te tuhāa moni a teienei mataeinaa, 103 farane, o tei roa mai no na oini umara i hoo hia. Tai 20 farane e e 60 cenetima i te tuhāa hoe.

ATIMAHA. — Ua aufau atoa hia aenei te tuhāa moni a teienei mataeina, no na setere vahie e vau e te vaehāa, e na oini umara hoi e toru. Tai hitu a ratou farane, e e ono cenetima i te tuhāa hoe.

#### Te mau pahi i tapae mai, mai te mahana 16 mai o Atopa.

Tira piti farani o Aritapaea, tapena Lemaire, mai Ana mai.

#### Te mau pahi i reva.

Tira toru beretane o Cadet, tapena Elliot, ua reva i Auckland.

Tira toru farani o Louise, tapena Potier, ua reva i Valparaiso.

Tira piti Raiatea o Avera, tapena Jean, ua reva i Raiatea.

Tira piti farani o Otaha, tapena Lewis, ua reva i Paumotu.

L. L.